

Filimon

Naoa itəm Pol təməte tuwin kəm Filimon

Nəghatən əkuəkir rəha naoa u Filimon

?Pah təməte naoa u? Aposol Pol təməte naoa u.

?Təməte tatuwin kəm pah? Təməte tatuwin kəm Filimon əpəh e niməfak ikin Kolosi. Ilau fren wir. Filimon in etəmim kit itəm tatos slef min.

?Nəmegəhən tahro nulan nian təməte? E nian əh, netəmim tepət koatos slef. Kən iəfak min neen min, ilat min koatos slef min. Filimon, rəhan kit əh ikin slef, nərgin u, Onesimas. Məto Onesimas, in təkəkləh-in məni neen rəha Filimon, kən əmun, in magim. Okəmə Filimon otəplan Onesimas, lou rəha Rom tatən mə Filimon titun nohamnuən timis. Məto Onesimas təməplan Pol əpəh e kalapus ikin Rom, kən Pol təmən-iarəp Namnusən Təwir kəm in, kən təmāhatətə e Iesu Kristo. Kən Onesimas in təmasitu e Pol. Kən Pol təmahl-ipən in titəlig-pən o Filimon. Pol təmən kəm Filimon məmə nat ənpəpən Onesimas in slef rəhan, məto roiu in pian e Iesu Kristo.

?Təməte naoa u o naka? Pol təməte naoa u matətapəh o Filimon məmə otaluin nolən rəha Onesimas, kən mos in titəlig-pa min. Nat ənpəpən məmə in rəhan slef, məto Pol tolkeike məmə Filimon otəplan Onesimas tahmen əm məmə in pian kit e Iesu Kristo.

¹Io Pol, itəm etatig e kalapus o Kristo Iesu, itimlau piətət Timoti, iatuən təwir kəm ik Filimon. Ik iolitimlau itəm ekioalkeike pik, kən kitəhal kətəhalol wək kitih əm rəha Iesu. ²Kən iatuən təwir kəm winitət Apia, ne Akipas itəm kitat mopael min koatəluagin rəha Uhgın, kən iatuən təwir kəm netəm rəha niməfak itəm koatuwa moatəfak e rəham nimə.^a ³Pəs Uhgın u Tata rəhatat, ne Iərəməərə Iesu Kristo okuawte-in nəwİRən ne nəməlinuən kəm itəmat.

a 1:2 Kol 4:17; 2 Tim 2:3

Nəfakən rəha Pol

⁴E nian min rafin itəm iatəfak ron ik, matən tagkiu kəm Uhgın ron ik, ⁵məto-inu eməto nahatətəən rəham e İərəmərə İesu, ne nolkeikeən rəham itəm tatuwin o nəfak min rafin. ⁶Kən iatəplan nolən rəham, məmə natawte e nıkim agien məto-inu e rəham nahatətəən. Kən iatəfak məmə nolən əh otasitu lam məmə onəkitun wir kən mos nat wir min rafin rəha Uhgın itəm tətawte-in e Kristo kəm kitat. ⁷Piak, iatəfak nəhlan məto-inu rəham nolkeikeən təmol niki nəfak min koatəto təwir, kən nian eməto, io min, nıkim təmagien kən tatıləs-ıpər rəhak nətəligən lan.^b

Nətapəhən rəha Pol

⁸Tol nəhlan, e Kristo esəginən o nənən kəm ik məmə onəkol nat kit itəm nəkəike mol, ⁹məto esol mihinən. İatətapəh-in əm e nolkeikeən. İo iaguıhl kit, etatig e kalapus o Kristo İesu. Kən io inu Pol, ¹⁰iatətapəh-in suah kit ron ik e rəhak nıpahrienən məmə nakos e nıkim agien. Suah əh in təmuwa tahmen-pən e nətik nian emətətig e kalapus, inu Onesimas, rəham slef.^c ¹¹Aupən ikin, in təməsol wək wırən kəm ik, məto roiu in titun nolən wək təwir kəm kilau kərən.^d

¹²Kən roiu, etahl-ıpinə min suah u, etəm itəm iakolkeike pik. ¹³Okəmə tətətig itımlau min, nıkkı tagien ron, kən in otatos nəmeem mətasitu lak nian etatig ikin-u e kalapus o nammusən təwir. ¹⁴Məto esolkeikeən məmə ekol nat kit itəm ik nəsegəhan-inən. Kən okəmə natol nat wir, iakolkeike məmə in tətisi-pən əm e nıkim agien, məto sənəmə nat io iatəkəike kəm ik məmə nakol.

¹⁵Esıtunən, okəm-naka Onesimas təmagım e nian əkuəkir u məmə onakos min in titəlig-pa min nətuatig agın-əh, ¹⁶məto sənəmə in otol min əm slef rəham, kəp. Məto roiu əh, in suah wir taprəkis-in slef kit, in pıalau etəm təwir. İo iakoleike pik in, məto ik onakolkeike pik in taprəkis, məto-inu in rəham slef, kən in pıam e İərəmərə.^e

¹⁷Nakatehm io məmə kəmuea kitiəh e wək ne nolkeikeən rəha Kristo, kən tol nəhlan, iatətapəh məmə nian in otımnə, nakos in e nıkim agien tahmen-pən əm məmə io. ¹⁸Okəmə təmol nat kit tərət kəm ik, o təmos rəham nat kit kən məsətouən, pəs nəkələhəu-pən tətətig e kaon rəhak. ¹⁹Kən əh-roiu, İo Pol, iatəte e nelmək—*pəs io epanətou*. Məto təwir məmə nəsaluinən rəham kaon asol agın kəm io, itəm tol min-nulan, emasitu lam kən nəmos rəham nəmegəhən lılin. ²⁰Piak, iakolkeike məmə onakətuoun matətou rəham kaon^f kəm io, kən ol nat u iatətapəh-in e nərgi İərəmərə,

b 1:7 2 Kor 7:4 **c** 1:10 1 Kor 4:15; Kol 4:9 **d** 1:11 Nərgin u “Onesimas” in təmə, “etəm itəm titun nolən wək wir.” **e** 1:16 1 Tim 6:2 **f** 1:20 E nəghatən Kris, nəghatən rəha Pol ikin-u “mətou rəham kaon” in iuəhkır əm e nərgi Onesimas.

kən ol nikik tatəto təwir e Kristo. ²¹Iatəte naoa u kəm ik mətə-inu ekitun məmə onəköl nəwiak, kən onəköl taprəkis-in nat naka itəm iatətapəh-in.

²²Kən nat kit min, afəl rəhak kit rum mətə-inu emələhəu-pən rəhak nətəligən e Uhgīn məmə in otos io ekitəlig-pinə min otəmat, inu noa nəfakən rəhatəmat.^g

Namnun nəghatən rəha Pol

²³Epafras, itimlau min etuatig e kalapus o nərgi Kristo Iesu, kən in tatən təwir kəm itəmat.^h ²⁴Kən Mak, ne Aristakas, ne Temas, ne Luk, itəm itimat ekoatol wək kitəh, ilat min koatən təwir kəm itəmat.ⁱ

²⁵Pəs Iərəmərə Iesu Kristo otawte-in rəhan nəwirən kəm itəmat rafin.